



2016 pillugu Innuttaasunik Sullissinermik nassuiaat



Imai

| | |
|--|-----|
| KNR pillugu | 4 |
| Siulequt | 4 |
| KNR TV..... | 6 |
| Sinerissamit aallakaatitat aalajangersimasut | 6 |
| Nammineerluni tunisassiat | 7 |
| TV-mi meeqqat inuusuttullu | 8 |
| Timersornermik allakaatitat..... | 9 |
| Nunanit allanit nutaarsiassat | 10 |
| Peqqinneq | 10 |
| KNR2..... | 10 |
| KNR Radio..... | 12 |
| Meeqqanut Inuusuttunullu Radio aamma TV | 12 |
| Arctic Winter Games radiukkut | 12 |
| Asaanerani radio | 13 |
| Nipilersuutitut formati nukittorsaaq | 13 |
| KNR Radiomi ilusiliineq nutaaq..... | 14 |
| Aallakaatitassiat nutaat | 15 |
| Inatsisartut ataatsimiinnerisa aallakaatittarunnaarneri..... | 16 |
| Tusaattaannik suleqateqarnerit nukittorsarneqartoq..... | 16 |
| Nutaarsiassaqaqtitsivik..... | 178 |
| Radioaviisi | 18 |
| Qanoroq | 19 |
| Knr.gl..... | 20 |
| Oqallinnerit | 20 |
| KNR`s onlinekkut saqqummerfii – Web, Mobil aamma TTV | 22 |

| | |
|---|----|
| KNR-ip nittartagaa – knr.gl..... | 23 |
| Mobilinut naleqqussaaneq | 25 |
| Live streams aamma video on demand | 26 |
| KNR live stream aamma on demand-imik takussutissiaq..... | 27 |
| SoMe, Nittartakkatigut inuit attaveqaqatigiittarfiat..... | 29 |
| KNR TTV (tekst-TV)..... | 29 |
| KNR SMS 1717..... | 29 |
| knr.gl-imi kiffartuussinerit allarpassuit | 30 |
| Innuttaasunik Sullissineq pillugu isumaqatigiissutip nanginnera | 30 |
| Ilanngussaq | 31 |

KNR pillugu

Kalaallit Nunaata Radioa - Greenlandic Broadcasting Corporation, tassaavoq nuna tamakkerlugu radiukkut TV-kkullu aallakaatitsivik pisortanit aningaasalersorneqartoq. KNR tassaavoq tamanik sullissiviusoq namminersortoq 1958-imi pilersinneqartoq, pisussaavorlu radiukkut Tv-kkullu aaqqissuussaanik aallakaatitsissalluni tassaasussanik nutaarsiassat, qaammarsaaneq, aliikkusersuineq, eqqumiitsuliorneq kulturilu.

Nunami inuiaqatigiit tamat oqartussaaffigisaat tunngavilersorniarlugu, nutaarsiassanik, qaammarsaanermik, ilinniartitsinermik, eqqumiitsuliornermik aliikkusersuinermillu aaqqissuussanik siammasissunik inuiaqatigiit kalaallit qulakkeerfiginiarlugit KNR tamanik sullissinermik suliaqartutut pisariaqartuuvoq. Tamat oqarsinnaatitaanerisa, tunngavilersuineq kinaassusersiunnginnerlu KNR-ip aalajangiisumik pingaartissagai, inuiaqatigiit piumasaqaatigisinnaavaat.

Siulequt

Tusarnaartartut isiginnaartartullu qaammataasiat aammalu Internet aqutugalugit radiukkut TV-kkullu aallakaatitassiorfinnut amerliartortuinnartunut neqeroorfigineqarnerinik tusagassiisarfii silarsuaat ukiuni aggersuni sunnerneqaraluttuinnassaaq. Radio aamma TV on demand ('piumaffigalugu') amerlasuunut siunissaavoq. Inuusuttut inuusunnerusullu piumalleraangamik aammalu ulapiffiusuni suliasarpassualinni naleqquttuutillugu radiumik tusarnaarusuttassapput TV-kkullu isiginnaarlutik. Ineriartorneq malinnaavigissallugu aammalu tusagassiinermi atortut tusarnaartitsiviup piareersimasuutitaasa nukittorsarnissaat, aammali isiginnaartartut tusarnaartartullu piumasaat akueriniarlugit piffissat aallakaatitsiviusut atortullu nutaaliaasunngortissallugit, KNR-imut pingaartuuvoq.

KNR 2016-imi pisortartaarpoq tassungalu ilutigitillugu aqutsisut nutaat pingasut atorfinitsinnerisigut aqutsisoqatigiit nukittorsarlugit. Isiginnaartartunut tusarnaartartunullu pingaarutilerujussuarmik Radio TV-ilu nutarterlugit suliarineqarput. Taakkunungalu ilutigitillugu internettimut atortut KNR-ip nukittorsarpai aamma nutaarsiassiisarnerup isornartorsiorpalaartumillu oqallititsinerit taamatullu aliikkusersuinerit pitsanngorsaavigalugit.

2016-imi iliuuserisat suliniutigisallu pingaarnerit nassuiaatini ukunani allattorpavut.

Atuarluakutsoorisi.

KNR TV

Sinerissamit allakaatitassiat aalajangersimasut

Inuiaqatigiit inuuffigisagut ullutsinnut malinnaasitsisumik takutissinnaaniarlugit sinerissamit aallakaatitassiat KNR TV-ip salliutippai. Taamaaliorsinnaaniarluta nuna tamakkerlugu sumiiffinni TV-mik peqatigiiffiit aallakaatitassiortullu suleqatigivagut taamalillutalu aallakaatitassiat Sinerissamiit aamma Nunatsinnit aallakaatitassiortunit nunatsinni sumiiffinnit assigiinngitsuneersunit aqqaneq-marlunnit suliarineqartut pisiaralutigit. Aallakaatitassiat imaat allanngorartuupput, sinerissami eqqumiitsuliorneq kulturilu, pinngortitaq, avatangiisit, timersorneq, sumiiffinni inuussutissarsiorneq, innuttaasut aammalu peqatigiiffilerineq eqeersimaartoq sammineqarlutik, tamakkulu katinnerisa, illoqarfimmiikkutta nunaqarfimmikkuttaluunniit immitsinnut qaninnerulersilluta.

Sinerissamiit nalunaaquttap akunneranut 59-it aamma Nunatsinnit nalunaaquttap akunneranut 75-it 2016-imi aallakaatitassiarineqarlutillu aallakaatinneqarput.

KNR TV aammalu sinerissami TV-qarfiit tusaataatillu ukiaanerani nutaamik suleqatigiilerput, tamassumalu TV-qarfiit periarfissippai nutaarsiassanik aammalu aallakaatitassianik ullutsinneersunik KNR TV-ip aallakaatissinnaasaannik aallakaatitsissallutik. Periarfissaq taanna Sisimiut TV-iata aamma Nuuk TV-ip illoqarfimminni nutaarsiassanik oqallinnernillu aallakaatitsinissaminnut atorluarpat.



Assiliisoq: Magssanguaq Qujaukitsoq

Namineerluni aallakaatitassialiat

KNR TV-ip namineerluni aallakaatitassiarisai tassaapput eqqoriaatitsisarneq Ilu, aliikkusersuusialiq Annuffiunng, Talkshowi Kafeerta aammalu nipilersuutiniq aallakaatitassialiq Tusartaat. Aallakaatitassialiat taakku isiginnaartartut qungujutsippaat aammalu nunatsinni nipilersuutiniq tusarnaarneqartarunik ileqqulersornernillu paasisaqartitsillutik.



Vittus Qujaukitsoq, Hans Jukku Noahsen aamma Steen Lyngge. Aallakaatitassiamit Ilu-mit

TV-imi Meeqqat inuusuttullu

Inuusuttunut aallakaatitassiaq Tusartaat aallakaatitassat pilersaarutaanni 2016-ip aallartinnerani kisiartaavoq. Nipilersuutinik aallakaatitassiaq nuannarineqarluartoq ukioq kaajallallugu nalunaaquttap akunnerini 242-ni aallakaatinneqarpoq sivitsunngitsorlu aallakaatitassianik Wowow-imit ilalerneqarluni. Tassami marsip aallaqqaataani 2016-imi meeqqanut inuusuttunullu aaqqissuisoqarfik nutaaq KNR-ip pilersippaa. Aallakaatitassiamik junior Wowow-imit TV-ikkut aallakaatitassiat nutaat meeqqanut minnerusunut sammitinneqartut aaqqissuisoqarfiup pilertortumik aallarnisarpai aammalu inuusuttut Senior Wowow-imit namminneerlutik isiginnaagassaqaalerlutik, tassaasoq nuna tamakkerlugu inuusuttunut talkshowi aammalu atuartunut eqqoriaatitsinerulluni.



Aallakaatitassiortoq Katrina Lindberg Boassen. Aallakaatitassiamit Junior Wowow-imit

Timersornermit allakaatitassiat

Arctic Winter Games tassaavoq timersornermik kulturimillu aqqissuussinerit Nunatsinni annersaat taannalu soorunami KNR TV-ip aallakaatitsisarnerani initulluni. Unamminerit nalaanni KNR TV nalunaaquttap akunneri 100-it pallillugit timersornermik kulturimillu toqqaannartumik aallakaatitsivoq, tassaalerlunilu KNR TV-ip oqaluttuarisaanerani aqqissuussinerit malinnaasitsinerillu annersaralugu.

Taamaaliornikkut Arctic Winte Games maani nunami, issittuni nunanilu allani malinnaavigineqarsinnaanera KNR TV-ip qulakkeerpaa.

Tamatuma kinguinngua aamma Arctic Circle Race, poorskip nalaani Nunatsinni pissartangorniunnerit assigiinngitsut, Avannaata Qimussersua, Ilulissani Assammik Arsaalluni GM, apriliimi Futsalimik unamminerit, Qaannamik pissartangorniunnerit aamma isikkamik arsaalluni pissartangorniunnerit KNR TV-ip malinnaavigitippai.



Arctic Winter Games 2016 Nuuk, Inussivik

2016-imi nalunaaquttap akunneri katillugit 178-it timersornermik malinnaaviupput.

Nunanit allanit nutaarsiassat

Islandimiut TV Station N4 Akureyrimeersoq KNR TV-lu aallakaatitassiaq Avannamut sanilitsinniit pillugu nutaamik pissanganartumillu suleqatigiilerput. Tassaavoq nunanit marluusunit sapaatip akunnerata ingerlaneranit nutaarsiassat. KNR TV aamma TV station N4 sapaatit akunnikkaartumik paarlakaajaarlutik aallakaatitassiortarput.

Peqqissuseq

2016-imi peqqissuseq KNR TV-ip aamma nakkutaraa. Inooriaaseq pitsaanerusoq ajunnginnerusorlu anguniarlugu nerisassat sungiusarnerillu aqutugalugit aallakaatitassiaq Peqqillaraanni aallartinneqarpoq inuttaasullu nalinginnaasut malinnaaffigalugit.

KNR2

Inatsisartut ataatsimiittarneri TV-mi KNR 2-kkut malinnaavigilluarneqarput. Ataatsimiittarnernit nalunaaquttap akuneri 334-it kalaallisut qallunaatullu aallakaatinneqarput innuttaasut tamarmiusut malinnaasinnaaniassammata.

Kommunalbestyrelsit ataatsimiittarnerit KNR 2-kkut aallakaatissinnaanerininik kommunit assigiinngitsut neqeroorfigineqarput taamaallaalli Kommuneqarfik Sermersooq neqeroorummut akuersilluni. Kommuneqarfik Sermersuumi kommunalbestyrelsip

ataatsimiittarnerinit nalunaaquttap akunneri 24-it taamaalillutik toqqaannartumik
aallakaatinneqarput.

KNR Radio

Meeqqanut inuusuttunullu Radio aamma TV

Junior aamma Senior Wowow KNR-ip inuusuttunut aqqissuussiqarfiata 2016-imi marsimi pilersippai. Wowow-imik aqqissuussisut anguniagaat aamma suli tassaavoq radio, TV, Web aamma inuit internettikkut naapittarfii aqutugalugit meeqqanut inuusuttunullu aliikkutassanik pilersuiffissallutik.

Radiukkut meeqqanut aallakaatitassiat minutsinik 10-nik sivitsortippagut ullormut minutsit 30-nngorlugit. Aamma inuusuttunut ullut tamaasa aallakaatitassiaqarpoq, nalunaquttap akunnera ilivitsaq aallakaatinneqartartumik.

Radiukkut, TV-ikkut aammalu inuit internettikkut naapittarfiisigut Arctic Winter Games kusanartumik malinnaaffigalugu inuusuttunut aqqissuussisoqarfiup aallarniutigaa.



Gaaba Olsen, Katrina Lindberg Boassen, Angajo Lennert- Sandgreen & Daana Geisler. Meeqqanut inuusuttunullu aqqissuussisut Wowow. Assilliisoq: Ole Møller

Arctic Winter Games radiukkut

Nuna tamakkerlugu avangiisinillu isiginnaartartut, tusarnaartartut atuisartullu ammaanersiornermit, timersornermit nalliuttorsiornermillu isiginnaartitsinermit pisunik tamanik malinnaasinnaapput. Ukiuunerani timersornermit KNR Radio akunnerni 27-ni malinnaasitsivoq taavalu Wowow-imik aqqissuussisut KNR-1-imut aamma KNR2-mut

agguataarlugit akunnerni 100-ni timersornermik kulturimillu aqqissuussinernit aallakaatitsillutik. Unammersuaarnerit nalaanni knr.gl-imik ullormut agguaqatigiisillugu 18.000-it atuisartuupput.

Aasaanerani radio

Aasap ingerlanerani aasaanerani aallakaatitassiamik nuannerineqarluartumik, Aasaanerani Radio-mik taaneqartumik radio aallakaatitsivoq. Aasap qaammataasa ingerlanerini sinerissami tamatuma nalaani pisunik aallakaatitassiamik tusarnaartut malinnaalluartinneqarput aammattaarlu Ilulissat 275-iliillutik nalliuttorsiorneranit toqqaannartumik aallakaatitsilluni.



Pipaluk Egede Nielsen aamma Salome Hansen. Aasaanerani Radio Ilulissani.

Nipilersuutitut formati nukittorsagaq

KNR Radiumi nipilersuutigisanik suliaqarneq suli suliarujussuujuassaaq. Nipilersuutini 120.000-nik immikkoortiterineq ingerlateqqinneqarpoq, 2016-imili siuariartoqarpoq, kalaallisut nipilersuutit soqutiginaartut nuannersullu katersorneqarmata.



*Ane Marie Ottosen, Andrea Kristiansen, Malínánguaq Markussen Mølgaard.
Kulturimik aallakaatitassiaq Puilasoq. Assiliisoq: Ole Møller*

KNR Radiumi ilusiliineq nutaaq

Tusarnaartartut isiginnaartartullu akornanni misissuineq tunngavigalugu aammalu piginnittut eqqarsaatigalugit Innuttaasunik Sullissinissamik piumasaqaatit naammassinissaannik ersarissumik kissaateqarnermi KNR Radio aallakaatitsinermik nutaamik 2016-imi ilusiliivoq.

Nikerartuatumik aallakaatitsinertiaasermut nuunnermi radiukkut aallakaatitseriaaseq ullutsinnut naleqquttoq qulakkeerneqarpoq toqqaannartumik aallakaatitsinerit amerlillugit, nunatsinnit tamarmiusumit ullutsinni pisunik aallakaatitsinerit amerlillugit, aningaasartuutit sulisullu amerlinggikkaluarlugit. Nikerartuatumik ilusiliinerup radiup tunngaviumik pitsaassusianik KNR Radiup atorluaanissaa aamma qulakkerpaa, massakkorpiaq pisuniinnissatsinnik pinngitsaalillutalusoq isumalluutissagullu atorluarlugit. Naatsumik oqaatigalugu tassaavoq ulluunerani soqtiginartunik, ullutsinni pisunik aliikkusersuisunillu toqqaannartumik aallakaatitsinerit.

Aallakaatitassiat nipilersuutillu eqqarsaatigalugit, innuttaasut akornanni assigiinngitsunik ukiullit aallakaatitami nutaami eqqarsaatigineqarput. Nikerartuatumik aallakaatitseriaaseq nunarsuarmi suni tamani radioqarfinnit atorneqartuuvoq taavalu KNR Radiumi sulisut nikerartuatumik aallakaatitseriaammik pikkorissarluarneqarlutik.



*Pipaluk Egede Nielsen, Andreas Poulsen & Salome Hansen. Ullaakkut aallakaatitassiaq Nunatta Nipaa.
Assiliisoq: Ole Møller*

Aallakaatitassiat nutaat

Nikerartuartumik aallakaatitseriaammut nuunnermut atatillugu aqqissuussisoqarfiit salliusut pingasut KNR Radiup pilersippai. Nunatta Nipaa, KNR Radio-p pingaarnertut siulia ullaakkullu aallakaatitassiaasoq, Kulturimik aallakaatitassiaq Puilasoq oqaatsit, isiginnaagassiorneq, nipilersorneq, atuakkat, upperisat, assassorneq pinngortitarlu qitiutillugit taavalu aallakaatitassiat ullutsinnut naleqquttoq Inuiaat Tillernerat, nutaarsiassat pingaarnerusut itisiliiffigalugit.

Taakkununga ilanngunneqarsinnaapput Junior aamma Senior Wowow, akunnerillu naanerini radiukkut aallakaatitassiat takinerusut oqalulaarnerillu minnerunngitsumillu nipilersugassiarsuarsuit Per Rosingimit ilisaritinneqartut tusarnaarneqarsinnaallutik.

Kissaatigisanik aallakaatitassiaq Appilaaruk, telefonikkut sianerluni Inuugujuup matuneqarneranut atatillugu aallakaatinneqartalersoq, tusarnaartartut nuannerillualerpaat. Appilaaruk taarsiullugu aallakaatinneqartalermaat sapaatip akunneri amerlingitsut qaangiummat tusarnaartartunit nuannerineqarlualerpoq SMS-ikkullu kissaatigisat ikigisassaanatik.

Suli aallakaatinneqartartut akornanni eqqaanngitsuugassaangilaq nipilersornermik aallakaatitassiaq Avalaappakkit, arfininngornerit tamaasa aallakaatinneqartartoq. Tassani aallakaatitsivimmiittoq Stina Skifte suli avalaassisarpoq, tusarnaartartunit iluarusuutigineqarluartumik.



Appilaaruk-mik aallakaatitsisartoq Carl Hendrik Møller. Assiliisoq: Ole Møller

Inatsisartut ataatsimiittarnerisa aallakaatittarunnaarneri

Nikerartuartumik aallakaatitseriaammut nuunnermut atatillugu aamma Innuttaasunik Sullissinissamik pisussaaffiup naammassinissaanik kissaateqarnermut ilanngullugu Inatsisartut ataatsimiittarnerisa radiukkut toqqaannartumik aallakaatinneqartarnerisa unitsinnissaat KNR-ip toqqarpaa. Taamaattoq KNR2 aammalu knr.gl-ikkut streamerlugit aallakaatinneqartarneri ingerlaqqipput sulilu ingerlaqqissallutik.

Tusaataannik suleqateqarnerit nukittorsarneqartoq

Sinerissami tusaataannik namminersorlutillu aallakaatitassiortartut pitsaasumik oqaloqatigineqartarneri tunaartalimmik suliniuteqarnikkut KNR-ip qulakkeerpaa. Sæson C-

mi (Aggustimi ukiup naanerata tungaanut) tusaataannit aammalu namminersorlutik aallakaatitassiortunit tamani nutaarsiassat iluatsinneqarput. Tamakku aallakaatitassiat ilagaat Aasiannit, Maniitsumit Narsamiillu aallakaatitsinerit minnerunngitsumillu aallakaatitassiat Nunarput Nalunngiliuk aamma Inuunerup Titarneri.

Nutaarsiassaqtitsivik

Radioaviisi

Nal. akunnikkaartumik ullaakkut 7-niit unnukkut 20 tungaanut nutaarsiassaqtitsineq Radioavisip 2016-imi ineriartortillugu ingerlateqqippaa. Suleriaatsit naammassisarfiusut aammalu atotrut aaqqissuussinermut tunaartallit qitiutinneqarput. Ilutigitillugu isornartorsiuinermik tusagassiorneq pikkoriffiusoq innuttaasunut anngunneqarnissaa qulakkiissallugu Radioavisip ilutigitillugu suli anguniagaraa. Taamatut anguniagaqarneq 2016-imi qularutissaanngitsumik aamma naammassineqarpoq.

Tamatuma saniatigut knr.gl-imut nutaarsiassanik aammalu KNR-ip oqallitsitisarneranut Qulaarpaamut tusagassiortunik Radioaviisi salliusutut pilersuisuuvoq.

KNR Nutaarsiassat (Radioaviisi ilanngullugu) nutaarsiassaqtitsiviup aaqqissugaanerata annertuumik allanngortinnissaa oktobarimit piareersarlugu aallatrippaa, tassani Qanoroqmut, Radioavisimut aamma knr.gl-imut aaqqissuisut qitiusumik nutaarsiassalerisunut tunngatillugu sammiveqarfinnut katesorneqarmata. Qitiusumik nutaarsiassalerisut 2017-imi februaarimi piviusunngortinnissaat pilersaarutaavoq.



Kassaaluk Kristiansen

Qanoroq

Aallakaatitassiap suleriaatsittalu nutaaliaasunngortinnissaasaa ingerlateqqinnissai Qanoruup 2016-imi qitiutippai.

Tusagassiortutta ilaat VJ-inut (videos atorlugu tusagassiortunut) 2016-imi ineriartortippagut. Tusagassiortunit nalinginnaasunit assigiinngissutaasumik ilanngutassiornermi suliassat VJ-it namminneerlutik tamakkerlugit suliarisarpaat. Tassa misissuinerit, apeqqarissaarinerit, immiussinerit qiortaanerillu – isumassarsinermit ilanngutassiamut naammasseriikkamut. Aaqqissuussisoqarfiup tusagassiortuisa affaasa missaat ukiup affaani pikkorissartinneqarput, oqaluttuariaatsinik, assiliinermik qiortaanermillu. VJ-it tusagassiortumut isumalluutissatigullu iluaqutissartaqarput. Ilanngutassiornermi sulisut amerlassusissaat affaannangortippaat, tamaaliornikkullu allanut isumalluutissat iperagaatillugit. VJ-eq aamma tunngavissaminut oqaluttuarisassaminullu ajornannginnerusumik qanillisarpoq taamaattumillu qanilaarnerusunik pivisorpalaarnerusunillu oqaluttualiorsinnaalluni.

VJ-inik ineriartortitsinerup kiisalu nutaaliaasumik imminillu siuariartortumik (oqaluttuariaatsit, assit, toqqaannartuliorneq titartakku immikkut qitiutillugit) suli qitiutinnerisigut, Qanoroq siornarnut sanilliullugu aallakaatitassiaavoq pitsaanerusoq.

Qitiusumik nutaarsiassaleriviusussap piareersarnerani Qanoroq Radioavisitullu okobarimit akuuvoq.



Dorthea Johansen

Knr.gl

Knr.gl 2016-imi sakkortuumik ineriartorpoq. Aaqqissuisut amerlerialaarnikuupput (aamma nutaanik), tamannalu ilaatigut nutaarsiassanik, assinik, videonik toqqaannartunillu amerlanerusunik kinguneqarpoq. Nittartagaq ullumikkut siornarnit uummaarinnerujussuuvoq. Tamanna ineriartorneruvoq tigulluarneqartoq. Knr.gl –imik atuisartut ullumikkut siornarnit amerlanerujussuupput. Knr.gl 2016-imi quppernernik 8,8 miliuunik takutitsivoq. Tamanna angusaavoq pitsaasoq. 2015-imi 7,1 miliuuniupput 2014-imi 6,2 miliuuniullutik.

Kisitsisit aamma takutippaat, sutigut tamatigut qaffariartoqartoq. Nutaarsiassanik atuartartut, radiomik tusarnaartartut nittartakkamilu TV-mik isiginnaartartut amerliartorput.

Tusagassiisarfii digitaliusut sullitatta amerliartuinnartut salliutit atugarileriaartoraat qularutissaanngilaq, piffissaqartillutik piimaganillu nutaarsiassanik aallertarlutik. Ineriartorneq tamanna akuerisinnaajumallugu, internetti salliutinniarlugu periusissiaq nutaarsiassalerisussat aamma suliniutigaat. Tamannaavoq aamma ukiuni aggersuni suliassatut allatulli tunaartarlugu suliniutigaarput.

Oqallinneq

Qularppaa aamma tassaavoq KNR-ip 2016-imi oqalinnermik suliniutaa, tassani aaqqissuisut oqallinnerit pikkunartut arlaqartut aallakaatitassiaralugit. Qulequttat ilagaay aalisarneq, takornarialerineq, aapparissamik persuttaasarneq, kommunimik avitsineq, namminersulivinneq allarpasuillu.

Upernaakkut Qulaarpaa ullut 14-ikkaarlugit ukiaanerani lu qaammammut ataasiarlugu aallakaatinneqartarpoq.



Núno Isboethsen


KNR-ip onlinekkut saqqumiffii – Web, Mobil aamma TTV

KNR-ip innuttaasunut neqeroorutai digitaliusut ilaasa takussutissaat tulliuuttuni allattugaapput.

KNR-ip Internettikkut saqqumiffigisai tassaapput:

- KNR.gl-ikkut nutaarsiassat tusagassiissutillu toqqortukkat
- Internetikkut nittartakkat qitiunerusut tassaapput:
 - YouTube.com/KNRgreenland, YouTube.com/nutaarsiassat, YouTube.com/meeqqanut
 - SoundCloud.com/KNRgreenland
 - Facebook.com/nutaarsiassat, kiisalu Facebook-ikkut nittartakkat
 - Twitter.com/nutaarsiassat
- Internetikkut toqqaannartut tassaapput knr.gl/tv/live, knr.gl/tv/live/knr2 kiisalu knr.gl/radio/live
- Tekst-tv, nutaarsiassat, aallakaatitassat takussutissaat il.il.
- Mobilinut kiffartuussivik SMS 1717
- KNR-ip intranetia (KNR-imi sulisunut)


KNR-ip nittartagaa – KNR.gl




KNR-ip nittartagaanit takussutissaq – KNR.gl.

KNR-ip nittartagaanit, knr.gl-imik, atuisartut manna tikillugu ikileriarnikuunngillat. 2016-imi aamma taamaattoqanngilaq, tassani atuisartut 'pulaartartullu' amerliartjuinnarmata. 2016 kaajallallugu atuisartut tassaapput 730.465 (2015-imi 607.106 aamma 2014-imi 501.080).

Isertut tassaapput 3.477.734 (2015-imi 2,8 mio. miss.) quppernerillu takuneqartut tassaallutik 8.819.278 (2015-imi 7,2 mio. miss. 2014-imilu 6,2 mio. miss.) Ulluinnarni atuisartut agguaqatigiisillugit tassaapput 10-11.000, aalajaatsuullutillu.




KNR-ip nittartagaa immikkoortorpassuaqarpoq. Aajuna knr.gl/awg.



Timersornermut immikkoortoq qarasaasiamut TV-mullu – knr.gl/timersorneq | knr.gl/sport

Mobilinut naleqqussaaneq

KNR.gl mobilit skærmiisa angissusiinut naleqqussartussanngorlugu aqqissugaavoq. Aammattaaq "mobile first" atornerarpoq, imatut paasillugu, qarasaasiap skærmianut aqqissuussineq salliunngitsoq, mobilip skærmianut naleqqussaaneq salliutinneqarluni.



KNR.gl-ip mobilinut aqqissugaaneral. Uani knr.gl/ukiortaaq, takuneqarsinnaavoq

Mobilimit atuisartut 2016-imi amerliarput. 2010-mi mobilimit knr.gl-imut isertartut 2% inorpaat. 2015-imi 40 % sinnilaarlugit qaffariarput 2016-imilu qarasaasiamik isertartunit kingullermik ikinnerussuteqassallutik 48,55% mobilimit iserput, qarasaasiamik isertut 51,45%-iullutik

| | |
|------------|--------------------|
| 1. desktop | 1,789,126 (51.45%) |
| 2. mobile | 1,205,764 (34.67%) |
| 3. tablet | 482,844 (13.88%) |

knr.g-imik atuisartut.

Live streams aamma video on demand


KNR Radio live stream 2016-imi 897.187-init atorreqarpoq. 207.784 qarasaasiatigut tusarnaartuupput, sinneri samartphone imaluunnit tablet atorlugu tusarnaartut. (100.000 miss. Tabletimik)

Quppernit 6.486.798 takuneqarput, taakkunannga 926.953 aalajangersimasuullutik.

Ullormut atuisartut 2.500 sinnilaarlugit aalajangersimasuupput, radiomik toqqaannartumik tusarnaartut.

Tusarnaartartut ulloq 21. december 2016 rekordiliipput, 11.891-iullutik.


Evolution over the period



Ukioq kaajallallugu atuisartut aalajangersimasut.

Bredbåndimik atuinerup katinnera tassaavoq ukiup aallartinnerani ulluotmuy 150 gigabyte, decembarimi 250 gigabyte, ulloq ataaseq 800 gigabyte.

Visitor Map




Country

| COUNTRY | VISITS |
|----------------|---------|
| Denmark | 648,849 |
| Greenland | 135,075 |
| United States | 34,441 |
| United Kingdom | 21,223 |
| Norway | 6,185 |

1-5 of 174 [NEXT >](#)

<https://piwik.streamzilla.xlcdn.com/index.php?module=CoreHome&action=index&idSite=437&period=range&date=2016-01-01,2016-12-31#?module=UserCountry&action=index&idSite=437&period=range&date=2016-01-01,2016-12-31>

Rdiomik toqqaannartumik tusarnaartartut nunanit 174-ineersuupput, amerlanersaat Danmarkimi, Nunatsinni, USA-mi, Tuluit nunaanni Norgemilu najugaqarlutik.



TV live stream

2016-imi 260.325-riarluni TV-live streamertoqarpoq (2015-imi 49.982) Ilutigitillugu minutsini 4.177.067 live tv-mik isiginnaartoqarpoq. Atuisartut agguaqatigiisillugu tassaapput ullormut 250 miss., taakku marsimi Arctic Winter Games ingerlanneqarmat ullormut 8.000-inut amerleriarput. Agguaqatigiisillugu ukioq kaajallallugu atuisartut minutsini 16 miss. Isiginnaartarput. Isiginnaarnerit tamakkerlugit (live stream aamma on demand) tassaapput 810.505, ukiup siulianit marloriaatit.

KNR-ip YouTube-kkut mainkanaliani ilaasortaasut aalajangersimasut tassaapput 2.314. Amerlanerpaat KNR live stream imaluunniit aallakaatitaanik atuisut ilaasortaanatik atuisarput.




KNR TV | Greenlandic Broadcasting Corporation

Created: May 27, 2011 · Videos: 3,055

CHANNEL

Last year (Jan 1, 2016 – Dec 31, 2016)



KNR live stream aamma on demand-imik takussutissiaq.

AOD aamma VOD: Audio On Demand aamma Video On Demand

Toqqorsivimmit imaluunniit SoundCloud-imit radio on demand 77.500-iarlugu tusarnaarneqarpoq, ukiup siulia assigipjaarlugu. Tusarnaarneqarnerpaaq tassaavoq “Nassuttuumi qivittut#, 9.058-riarlugu tusarnaarneqarluni. 2016-imi tusarnaagassat 5.000 sinnelugit toqqarneqarsinnaapput.

TV-ikkut aallakaatitanut tunngatillugu, 810.503-riarlugu On Demand atorneqarpoq. Videot piareersimasut amerlassusii KNR-ip kanaliini pingasuni (main kanalen, nutaarsiassat aamma meeqqanut kanali) 2016-imi TV-ikkut aallakaatitanut 6.000 missaannut amerleriarput. Videot katillugit minutsini 9.289.034-ini isiginnaarneqarput, ukiup siulianit 74%-inik qaffariaateqarneq. Atusut tassaapput Danmarkimit 45%, Nunatsinnit 30%, Indonesiamit aamma Hong Kongimit 10,4% Canadamit 3 % sinneriniillu nunanit assigiinngitsunit 10 % miss. Nunait assigiinngitsunit 190-init pulaarteqarpugut.

Top geographies

Watch time

Denmark (45%)
Greenland (30%)
Indonesia (6.4%)
Hong Kong (4.0%)
Canada (3.0%)



VOD (video on demand) nunanut agguataarnerata takussutissaa.

Playback locations

Watch time

● YouTube watch page (60%)
● Embedded in external websites and apps (40%)
● YouTube other (0.0%)
● YouTube channel page (0.0%)



Aallakaatitsinerup 60%-ia YouTube,com-ikkoorpoq sinnerilu 40% knr.gl-ikkut

SoMe, Nittartakkatigut inuit attaveqaqatigiittarfiat

Facebook 2016-imi 10.000 sinnerlugit iluarineqarpoq (likes) taamaalillunilu Nunatsinni tusagassiisarfiiit annersaat, Sermitsiaq.AG siullermeersumik qaangerneqarluni.

KNR TTV (tekst-TV)

Drupal atorlugu, KNR-ip nittartakkamik aaqquussissutaa, tekst-TV-mi nutaarsiassanik aaqquussineq, 2016-imi tekst-TV-ikkut nutaarsiassanik pitsaanerusunik amerlanerusunillu angusaqarfiuvoq.

2015-imi Epinionip atuisartunik misissuina malillugu, isiginnaartartut 35 %-iisa tekst-tv ullut tamaasa imaluunniit ullut tamangajaasa atortarpaat, 28 % atungisaannaraat.


KNR SMS 1717

KNR-ip mobilinut kiffartuussivia TV-iikkut toqqaannartumik taasinernut salliusumik atorneqartarpoq, KNR-imut atassuteqarnermut minnerusumik atorneqartarluni, soorlu nutaarsiassanik ilisimatitsisarnermi aammalu nutaarsiassanut ilisimatitsinermi.

2016-imi sms-it katillugit 330.051 tiguneqarput, taakkunanga 319.721 toqqaannartumik TV-ikkut aliikkusersuinerni tiguneqarlutik.

KNR.gl-imi kiffartuussinerit allarpassuit

KNR-ip nittartagaani kiffartuussinerit takusassallu assigiingitsorpasuuqput. Tassaallutik silassamik ilimasaarutinit aallakaatitassanik immikkoortunillu takussutissat aamma assit – ilaannangui taaniarlugit. Assersuutigalugu KNR-ip assiutaanut asserpassuit nassiunneqartarput.



knr.gl/assiisivik

Innuttaasunik Sullissineq pillugu isumaqatigiissutip nanginnera

Radiokkut TV-iikkullu nalunaaquttap akunnerini aallakaatitsinerit suunerinut agguataarlugit tulliuttuni takuneqarsinnaapput.

| Suliat nalunaaquttap akunneranut | Isumaqaatigiissut 2016 | Naammassiat | Nikingassut |
|--|---------------------------|-------------|-------------|
| Avataanit kalaallisut suliat | | | |
| Radio | 70 | 95 | 25 |
| TV | 105 | 183 | 78 |
| KNR-ip nammineq suliai katillugit | | | |
| Radio | 2200 | 2801 | 601 |
| TV | 700 | 811 | 111 |
| Nunatsinni aallakaatitassiat (Katillugit immikkoortiterlugit) | | | |
| Radio | | | |
| Meeqqanut inuusuttunullu | 150 | 284 | 134 |
| Eqqumiitsuliorneq kulturilu | 1030 | 1310 | 280 |
| Timersorneq | 100 | 135 | 35 |
| Nutaarsiassat | 960 | 1106 | 146 |
| Ilinniartitsineq | 20 | 36 | 16 |
| Peqqissuseq | 10 | 24 | 14 |
| Taakkunannga qallunaatuut | 300 | 350 | 50 |
| KATILLUGIT | 2270 | 2895 | 625 |
| Nunatsinni aallakaatitassiat (Katillugit immikkoortiterlugillu) | | | |
| TV | | | |
| Meeqqanut inuusuttunullu | 230 | 250 | 20 |
| Eqqumiitsuliorneq kulturilu | 110 | 167 | 57 |
| Timersorneq | 110 | 178 | 68 |
| Nutaarsiassat | 230 | 386 | 156 |
| Ilinniartitsineq | 20 | 2 | -18 |
| Peqqissuseq | 9 | 4 | -5 |
| Qallunaatut aallakaatitassiat | 17 | 9 | -8 |
| Qallunaatuunngortitat | 80 | 142 | 62 |
| KATILLUGIT | 806 | 987 | 181 |

Ilanngussat

KNR-ip ukiumoortumik naatsorsuutai kiisalu 2016-imi isiginnaartartunik tusarnaartartunillu misissuineq ilanngussatut ilanngunneqarput.